



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

« 18 » փետրվարի 2019թ.

Ո Ր Ո Շ ՈՒ Մ No. 209 /09Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<ԱՎՄԱՄ>> ՍՊ ընկերության վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<ԱՎՄԱՄ>> ՍՊ ընկերության (ՀՎՀՀ 04112335, հասցե՝ ՀՀ Արարատի մարզ գ. Սուրենավան, պետական գրանցման համար՝ 51.110.00950) չկատարված հարկային պարտավորությունը <<21>> հունվարի 2019 թվականի դրությամբ կազմել է 5.658.572 դրամ, որից ապառք՝ 3.083.691 դրամ, տույժ՝ 1.519.603 դրամ, տուգանք՝ 1.055.278 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <<21>> հունվարի 2019 թվականին հարկ վճարողը ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, չի ներկայացել վարույթի նյութերին ծանոթանալու համար և որևէ բացատրություն չի տվել:

ՀՀ ԿԱ ՊԵԿ իրավաբանական վարչության պետի կողմից 14.11.2017 թվականին կայացվել է թիվ 2837/09 որոշումը <<Ավմամ>> ՍՊ ընկերությունից 4.814.549 դրամ գանձելու վերաբերյալ: Կատարվել է վճարում, որի արդյունքում թիվ 2837/09 որոշման շրջանականներում ընկերության պարտքը կազմում է 1.764.046 դրամ՝ ռեզիդենտի շահութահարկի գումար, որից տույժ՝ 708.768 դրամ, տուգանք՝ 1.055.278 դրամ: 10.08.2018 թվականին կայացվել է թիվ 2266/09 որոշումը ընկերությունից 3.386.379 դրամ գանձելու վերաբերյալ: Կատարվել է վերահաշվարկ, որի արդյունքում թիվ 2266/09 որոշման շրջանականներում ընկերության պարտքը կազմում է 3.152.734 դրամ, որից ԱԱՀ՝ 480.808 դրամ /ապառք՝ 351.515 դրամ, տույժ՝ 129.293 դրամ/, ռեզիդենտի շահութահարկ՝ 5.393 դրամ /ապառք՝ 4.996 դրամ, տույժ՝ 397 դրամ/, եկամտային հարկ՝ 259.081 դրամ /ապառք՝ 230.838 դրամ, տույժ՝ 28.243 դրամ/, ակցիզային հարկ՝ 2.407.452 դրամ /ապառք՝ 2.122.408 դրամ, տույժ՝ 285.044 դրամ/: Որոշումներն անբողոքարկելի դառնալուց հետո սահմանված կարգով ներկայացվել են ՀՀ ԱՆ ՀԿ ծառայություն:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **741.792** դրամ, որից՝

ռեզիդենտի շահութահարկի գծով պարտավորությունը կազմում է 382.446 դրամ, որից 373.934 դրամ ապառքի գումարն առաջացել է ռեզիդենտի շահութահարկի 2017 թվականի հաշվարկից, իսկ 8.512 դրամ տույժի գումարը հաշվարկվել է համաձայն ՀՀ հարկային օրենսգրքի 401 հոդվածի,

ավելացված արժեքի հարկի գծով 45.536 դրամ, եկամտային հարկի գծով 33.241 դրամ, ակցիզային հարկի գծով 280.569 դրամ պարտավորություններն ամբողջությամբ տույժի գումարներ են, որոնք հաշվարկվել են համաձայն ՀՀ հարկային օրենսգրքի 401 հոդվածի:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2019 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման: Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. «ԱՎՄԱՄ» ՍՊ ընկերությունից գանձել **741.792** դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:

5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄՆԱՅԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ Բաժին,
գլխավոր մասնագետ
Անի Հովեյան, հեռ.0235-3-94-27